

通鑑

張右史文集卷第十三

古詩

美哉

美哉洋洋清潁尾西通天邑無千里舸舫大
編起危樯淮潁耕田汲改米莊陂澤帶平
原古時溝澗還相連昔人屯田戍兵處今人
阡陌連丘墓今年雨足種麥多北風吹桑鳴
空柯高城回望鬱嵯峨豐年閭井聞笙歌河
邊古堤多老柳去馬來船一回首百年去住

不由人歲暮天寒聊飲酒

納涼

靡々春事退寂々夏日長日西騎馬歸卧此
北戶涼官事幸休逸甘為白頭即朝出暮還
家悠々愧路傍所欣藥物靈頗覺疾病康幸
免三已愠敢希五饋漿難堪七有餘不過三
已嘗呼兒且粉食貧固士之常

白樂天有渭上雨中獨樂十餘首傲
淵明余寓宛丘居多暇日時屢秋雨

一 傲白之作得三章

寒極則有暑晦久則有明開闢迄今茲此理
信可憑炎々者易滅魏々者必傾聖智無柰
何況此愚昏泯設羅以獵獸切骨陷其膚重
勢以鎮物懸絕壑其
與育力有不
獲呈物情千萬變可盡得經營
士

葛帶而蘭纓無求後無憂容貌甚和平

秋氣日姿清悠然有佳興美酒時

傾

二

罷官卧窮巷值此雲物孤連延經旬雨城市
欲行舟柱礎變坳塘瓦溝成暴流蕭然殘暑
退寒事戒衣裘老人朝睡足起坐梳白頭呼
童飭晨食薪濕爨婦愁洗我朱提杯不復具
肴羞一觴已徑醉萬事良悠々

三

故人遺我酒氣味芳以清置之屋壁間興至

時一傾銀杯度一合三釀已徹觥既免戒沉
酒且無憂病醒嵇阮愧令德劉石無遐齡荒
狂有何樂徒以酒自名吾幸免因此廢幾盡
平生

謫官黃州至南頓驛同李從聖叔侄
小飲

共飯何草々客來從遠道傾壺得殘酒聊以
開懷抱年將半百兩鬢華謫官憔悴來天涯
神理可憑吾道在不應長遣路人嗟

推勢

推勢世所重桓溫役孟嘉桓公自人雄為下
未足嗟頗怪蔡郎中為董受玼瑕因之以取
死曾不念漢家士固感知己尚安知其他搜
牢則可誅好邕自其佳

臨文

一病廢百嗜好文心未忘南憲納虛明羅列
陳謙細茫昧考巢燧典章斷虞唐清研進屈
景雋永旌蘇張少狂不自料遇事形文章誤

逢作者嘆回復力披攘蹉跎生白髮始抽石
室箴粗見漢家事濡毫時否臧文詞比工祝
不殊公卿行何用疲心精舍本棄耕桑讀賦
意凌雲律令尊張湯榮華繫遇合才技無短
長頗師老氏術抱璞和其光無營以卒歲刻
意翰墨場

自淮陰被命守宣城後過楚雨中遇
道孚因同誦楚詞為書此以足楚詞
秋庭新過雨佳菊獨秀先含芳良未展風氣

已清妍金鳳汝妾婢紅紫徒相鮮老人對節
物昏：抵欲眠與子讀楚詞疊：忽盡編孺
：兮秋風慘慄在遠行蟋蟀鳴西堂淹留了
無成

寓陳雜詩十首

一

傳舍不可以東裝投新居：：六苟完佳木
頗扶疎洒掃尋丈地琴書遣朝晡風雲中夜
變大雨如決渠落點若強箭穿我老屋塗中

夜起明燭移淋護吾鷄傳聞北城隅老弱堤
上廬官吏操畚鍤：：役千夫燈漏或一決
城闈變江湖吾哀也久矣豈復憚為魚

二

昔記古甲子商滅而周興如何雨此日乃為
霖雨微陰陽久乖張此事頗有憑豈天悔牧
野洗此漂杵腥曰雨水未乾洞房苔欲青新
雨雖霖：：欺我牆善崩虛堂就久眠永夜楸
桐聲蕭然秋氣至豈覺中屨輕恰我老病者

三伏困薰蒸得涼且飽飯何暇念秋成

三

朝雨如零絲咫尺不相辨俄然晨光漏紺碧
出天面天工易明晦頃刻俄屢變今朝事大
定雲物卷組練客有北來說蠶生被數縣穀
穗無一粒遺稗如立箭旱田成大澤投種哀
莫見官人惜不知猶喜輸租辦興懷及鰥寡
猶愧吾飽飯

四

唐有元相國實殺顏平原平原腹有丹尸解
神已仙顏公死已矣人見如生前致令遺其
像委曲與人言相國死倉卒穢鞞塞其咽家
門隨手破但怪排斛千顏公黃塵外風節猶
凜然元子墮九幽遺臭萬世傳

五

清夜何晏々客眠亦復佳鄰鐘喚我覺咽々
聞城笳披衣行中庭星漢已橫斜缺月掛西
南皎々流清華莎雞振其羽蟋蟀旁悲嗟悠

廿歲已秋日月如奔車

六

開門無客來永日不冠屨客至我老懶投刺
輒復去端成兩相忘因得百無慮故人在旁
郡書信不能屢興哀東坡公將拚却山墓不
能往一慟名義真有負可能金玉骨亦遂黃
壤腐但恐已神仙裂石終飛去

七

疲馬齷枯草閉門苔蘚深閑坊居人少秋日

疎槐陰境寂心亦閒蕭然散巾襟靜中有深
趣因見至人心谷神古不死茲理良可尋無
令兒輩覺一撫無絃琴

八

念昔為吏日朝夕羨人間解印出公府翛然
若歸山衡茆三畝居無客門常閉早眠而起
晏永日或不冠故人遠寄酒為致一醉歡我
亦領其意呼兒具杯盤長閑貧亦好安用朱
其轡我生本蓬華久已傲飢寒

九

我不知暑退但覺衣汗乾頗怪庭中天湛然
青已寬有物叫草根啾々自相喧門知己新
秋大火流金天九工變寒暑正尔事亦繁靜
觀付一笑吾事寧相閑但無筋力健悠然佳
意還喧々憎隣里砧杵亂人眼

十

秦子死南海旅骨還故墟辛勤一生事空得
數編書琅々巧言語玉佩璣瓊琚知者能幾
人憎者頗有餘書生事業薄生世苦勤持以
待后世何足潤槁枯與懷及昔者使我涕漣
如道路阻且長悲哉遠撫孤

寄李端叔

束髮聞至道榮辱久齊觀中年嬰世故已復
傲憂患閑居雖荒寂几杖頗清晏悠々閑晷
景草々貧寢飯狂言無為發濁酒醉自勸夫
君通家旧迹者頗屢見相望豈云遠數舍隔
異縣吾人師佛祖妙旨得恐槩斂藏避世俗

未免逢侮訕坐令髮垂雪犹把從事版尺書
每見警妙語珠在貫復君進明德同遂立壑
願

陳墟自古皇疆野實楚縣沃野接神畿荒溝
漕淮甸民風靜而陋原隰平以遠我来逢艱
歲禾黍秋色淺荒居因蛩蚓風雨老藁蒐閉
門謝車馬隱几親筆硯馬迹巷泥深庖烟簷
日晏深居窺老易妙理殊自玩困亨方寸足
夸安勞遠願辛離感歲月老色各湍面友道

古所敦尺書莫辭倦

秋日曠古城

秋日曠古城西風振塵埃出門何所之壞道
連蒿萊飛鳴雞犬稀破屋枯壕隈老圃理蔬
畦晚甲瘦未開輸人暮出城栖鷄一一回悵
然心不怡歸坐勸一杯

題吳熙老風雲圖

雨脚橫空萬牛弩烈風吹山々欲仆草披木
拔何足道大江翻瀾失洲渚路旁失轡者誰

子道阻且長，泥沒屨，鞭驢挽車，亦何急目眩
心搖，行不顧我生，飄蓬慣羈旅，願爾艱難逢
亦屢，初被蒙頭不下堂，且與身謀安隱處。

二十三日晨欲飲，求酒無所得，戲作
張君所欲一壺酒，百計經營卒無有，夜來客
至，餅已空，晨起欲飲，還戒口，努力忍窮甘寂
淡，人間萬事如及手，百壺一醉有底誰造物
譎戲君須受。

淮陰大寧山主崇岳逮與余諸父遊

今年七十餘，耳目聰明筋力強，壯奉
戒精苦，禪誦不輟，聞余自黃埭欣然
空所居而相延，日與之語，或寂然相
對，終日使人之意也，消因賦此詩。

我來之初，季春月，門外李花如積雪，杜門燕
坐度長夏，庭樹秋風忽，驟屑西馳，老火不復
憐，急雨淒風爭，應節紫貂暴，日知有待，畫扇
依牆，將怨別，蒸雲積潦，漸收拾，惡木煩蕪，稍
摧折，不知此事誰主張，躍馬奔車，忽回轍，嗟

子行世蹈坎塹僅免豺狼膏齒舌三年閉戶
餓江島脫粟無餘衣百結近者皇天忽悔禍
雨施雲行咸澡雪復官還職遍海內爭脫囚
冠鳴佩玦老夫龍鍾衆人後一舸循江信沿
涉風波歷盡見故郡親友相逢驚白髮道人
已老見我喜靜掃高堂客憇歌佛龕日近得
香火僧飯時容供粗粝讀書小技漫勤苦安
禪大觀無分別久便閑放輕祿利已脫憂危
傲繆紕天時進退古不忒人事興衰今屢閱

酒濃村店足斟酌魚美長淮恣哺啜從今萬
事付天工致安民看夔契

見黃仲達感秋意

秋風吹衡茅寂歷如荒村獨立無典語悲虫
鳴草根老木經疾風枝葉僅得存疎蔭不滿
地白日耿當軒北城有黃仲眸子清不渾時
能出秀句宝鉄雕璵璠念將舍我去為吏國
西原荒涼古中年晝夜輪蹄奔青衫給吏役
懷惡未易論強顏說應接有抱誰所言從容

未去間無獸走黃昏黃每相訪
常以昏夜

服仙靈脾酒

冷氣侵吾髀趨泮劇苦艱仁哉神農氏遺藥
驅恫瘳持錢取之市易得如茅芫藥技与芳
葉盡取無可刪貯之白練囊清以壺酒寬七
日以供飲跛曳皆翩跹呼兒謹蓋葳用此九
轉丹平生誤信書安坐得老遭方書豈尽信
柳子固無言事固有然者豈容尽欺謾疾走
非吾願且復輔羸殘

孫志康許為南釀前日已聞糴米欣
然作詩以問之

平生一尊酒風月不可無謫官將十年一醉
未易圖市豈無旗亭官亦有酒鑪薄若典釀
酸一滴不可沽莫以孫夫子臭味真吾徒自
云得異蘖乃出粳稻腴歲久精粹去者乃
其粗醞釀才浹日芳甘已盈壺僉人喻其力
若火徑茅蘆此語真野陋殆出負販夫前日
聞吉語糴便已在途每恨陳之糶價直如買

珠憐君久客囊傾倒無復餘假器走僕僮供
我一笑娛欲為漉巾潛請學滌器如作詩以
訊之何日陳尊盃

送孫志康赴高陽

三觴草豈足飲聊具數刻留君歡年來故
友半零落每念及此傷肺肝淮陽窮栖幸見
子胄中鬱結為少寬奈何舍我去不顧薄宦
謀食何艱難陳郊窮秋苦雨霽積雨未受短
日乾念君匹馬走坡坂蒙犯霜雪勤征鞍吾
曹坎壥皆自取之燕何得南其轅雖然男子
豈常尔且復養此凌雲翰

秋日喜楊介吉老寄藥

閑坊遠市声終日掩衙門惟有風中葉蕭騷
終日聞午枕不成寐起坐無與言喜聞故人
書珍藥幸見存其方受仙聖其效未易論豈
惟蠲沉痾庶可輔本根珍重復珍重厥價萬
璠璠永年未可冀庶保無夭昏

歲暮即事寄子由先生

歲暮淮陽客貧閑而有餘朝昏面壁坐風雪
閉門居老去深依佛年衰更嗜書未能忘素
業聊用慰窮途下里皆貧屋開門即古墟雞
豚來近舍春汲賴鄰夫雪壑移來竹霜萎自
種蔬烏皮蒙燕几褐帽裹僧顱肉似聞韶客
齋如持律徒女寒愁粉黛男窘補衣裾己病
藥三暴辭貧飯一盂長瓶卧墻角短褐倒天
吳宵寐衾鋪鉄晨炊米數珠大撻隨杜胫葛
製煖寒軀時命今如此功名已矣乎談愁風
射馬拙待兔遙秣夕慕真成樂深諳夢境虛
誰憐九頓首正有一長吁瞻望身空老蒼茫
歲欲除何當聞妙誨點別待完膚

贈翟公巽

我昔出守來丹陽江流五月如探湯史君之
居在山腹鏡舍樹石何青蒼千年藥根蟠井
底靈液浸灌通寒漿人言狗杞精變狗夜吹
往三閩空廊金山蕩瀟浪花裏一舸遙去隨
漁郎最奇岩齋人迹少乳水時滴白石沐翠

竈坡陲負日色白騎掀舞占風祥我留金山
凡十日窮探力取無遺忘南風吹我渡江去
已厭淮南塵土黃二十年間多少事身如疲
馬起復僵淮南窮棲衆人後朝食不充藜藿
腸公來哀顏得一笑側聽高論驚尋常窮閭
過我坐至暮滿懷珠玉無批糠乃知世間有
清議未可尽以己意量精金白璧天所寶理
無破碎委道旁半年耳令不聞此遇公矍然
神激昂論交自顧己老醜從事理絕隨飛翔

斯文有屬不但尔因公作詩我涕滂

用歐陽文忠韻雪詩

密雪當殘臘衝風到葦門洒窓驚紙濕入竹
覺聲繁天闊飄無界城高積有痕氣和歸麥
壠水味入茶軒廣陌無游騎空郵有滯轅炎
爐聊自煖濁酒僅能溫野迥征鞍設邊寒塞
甲屯振竒歌歷々回袖舞躄々客至須馳褐
相逢賴酒搏晴明占草木春意到閑園

贈李德載

我家外翁天下士欲以文章付孫子愛君非
角已食牛屨書筆下無停字願君飽讀大父
書學到莫憂名不似重教我輩見風流更以
餘波變鄉里

又

長翁波濤萬頃陂少翁晚秀千尋麓黃郎蕭
蕭日下鶴陳子峭之霜中竹秦文倩燦舒挑
李晁論崢嶸走金玉六公文字滿人間君欲
高飛附鴻鵠

四月望日自孝悌坊遷冠蓋孫氏第
青燕滿古城白日照大澤街荒雞犬鬧市遠
喧闐寂中有騰之者淮陽四年客生偷太倉
粟穩睡而飽食平生願陳力衰老困逼迫何
曾一可意但有百無益偷安淺夫志苟且志
士惜窮通有天理誓不安苟得朱陽方肇序
春去無轍迹悵此復幾時撫事三歎息

趙德麟有詩言過萬壽縣得玉芝乃
以供一醉之味按道書凡芝皆神仙

上樂無乃輕用之乎

王孫憔悴食無肉天遣姑揚出隻玉荒園夜
飲供一醉仙物無乃遭輕辱王孫高名滿天
下割鱠龍蛟刀几熟眼高不為小物變采掇
僅同葵蕪屬憐君十年清穎客年少未甘窺
藥錄再逢靈藥慎勿輕不死問君安可獨

東園

堂中宴坐不妄出堂外青春去如失小園十
步綠如雲一時桃李事已畢猶殘醪醖數朶

在未覺塵沙汙玉質金沙格俗終可憐臙白
嬌紅如欲滴老夫睡起聽山禽竹間林外終
嘲嘖筍生漸悵子猷頽梅熟未邀朱老喫翻
書只作隨睡具傾壺屢進忘憂物今春風雨
稍依節上曰麥穗過數尺但知洗眼看世塗
莫厭終年守蓬葦

送翟公巽赴中書舍人

韓筋柳骨世不聞翟公筆力回千鈞十年声
名滿四海淮陽邂逅隻朱輪老翁空踈亦何

有察公于我意甚真高談疊：雲漢上一掃
闡茸如灰塵夜光明月不計數坐使哀樂生
精神恨無金玉相報答還家三嘆嗟我貧青
燈論文夜未分曉聞門外送使君問君舍此
去安往紫皇詔歸侍王宸鋒鋌發劓斷犀象
好為明主我絲綸論思獻納乃其職况公之
意常在民追還三代曰風采主以事實致此
文聖君賢相有美意筆端典物為陽春

波稜乃自坡陵國來蓋西域也甚能

解麪毒余頗嗜之因考本草為作此
篇

誰從西域移佳蔬遍植中原葵莧俱清霜嚴
雪凍不死寒氣愈盛方芳敷貫金銳箭脫我
竹剪羅巧帶飄華裾中金氣抱勁利穿滌
炎熱清煩好老人食貧貧得：大金日煮和
甘腴飯炊香白煮餅滑一飽尽鉢無羸餘空
厨蕭條烟火冷可但食容歌無魚男兒五鼎
食固美當念就雙還愁吁

北隣賣餅見每五鼓未旦即遠街呼
賣雖大寒烈風不廢而時略不少差
也因為作詩且有所警示鉅結

城頭月落霜如雪樓頭五更聲欲絕捧盤出
戶歌一聲市樓東西人未行北風吹衣射我
餅不憂衣單憂餅冷業無高卑志當堅男兒
有求安得閑

寄道公

知公鼻祖冬之日謫向江山冷無匹粹然真

氣滿輕軀自言位次神仙秩同輩幾人始射
老惟公躔二居第一寫腰不舞自欲飛神履
瞥波元不濕永巷春深簾幕幽西鄰有人名
莫愁我老摧頽垂白約空能時作夢中游

書初涼夜至將晚

靈壽寺作

秋房燈火清人語久已寂城遠不聞更警折
鳴未息橫參已入地斗柄當天直乃知三更
中市壘已寂歷我時守書几磨墨傾硯滴及
覆小學書昏目如芒刺試尋隣房僧鼻鼻背

負癖体劳径就枕冷夢分南北覺來寺鐘鳴
僧禮像前席須臾聞曉唄木魚如叩石舉頭
視東牖朝日已淡白反身起披衣神爽健筋
力亟來酒甕邊側聽声唧唧

早稻

早稻如倒戈十穗八九折晚稻不及秀日炙
根土烈踏車激湖水車衆湖欲竭得泉如沸
湯旱土湿未微老農祝天工扣額眼垂血游
雲不作雨風至輒散滅昊天未悔禍牲玉亦
徒設誰能縛妖魅救起龍捨刺

鳴蜩

鳴蜩嘒高風逮夜且復靜草虫何為者落日
鳴復逞陰陽且戰爭微物何所競化工執其
機開闔惟所命朔雁有行意肅：如待令江
湖有日渚寧畏風霜勁

古意效東野

與君雖異坊秋涼各平分已遣月入牖更教
風掃門照君幌中寢拂君堂上塵綢繆似衣

帶終日遠君身

又

扇不風自涼身不蘭自香
深居不出闕幽獨
更清揚為鵲栖君樹為燕巢
君堂不食亦可
飽况乃餐輝光

霜後步西園

濃霜乍暄妍短日淡無色
回風振中園搖落
聲策策草根飢鳥啄飛舞時噴
野荒無遺
粒卒歲將何食鮮
西墻下幽草弄寒碧
四

時不吾欺聊假汝頃刻

局中負暄讀書

一

輝：短景留寒光重裘不煖
貧負陽老人背
溫一体康我欲持之獻天王
天王九重居明
光玉几翠被女侍傍人不我知
謂我狂此心
耿：不敢忘歲云暮矣天雨霜
且復持此飲
一觴

二

輝：短景由寒光瓦簷霜濕梧桐黃老強不
知春已去白晝嘖：空啼牆歲云老矣羈客
傷塊獨守此天一方沐頭書史談虞唐我言
匪耄聽者狂

三

輝：短景不能春照我貧屋六復仁虞淵道
遠寒雲屯羲和愁思墮厥輪君不見志士悴
憔悴甘賤貧塊處漏屋含悲辛重堂溫室顛醉
昏悠：蒼天彼何人

歲後三日

春風攪空如怒濤春日寂：在蓬蒿衡門鳥
雀舞不下西園桃李氣已嬌天邊碧雲空漠
漠門外荒草還迢：人生幾何春復夏可但
白首隨漁樵

正月八日坐局沽酒

為問里閭何蹀躞上元楚俗習張燈新春此
時最佳處獨我坐曹如定僧霜林夢澤蒼茫
野烟草江邊寂寞城小飲未能來喚藁雙眸

終日令如永

張右史文集卷第十三

張右史文集卷第十四

古詩

將至嶺下作

竟陵南風稻新綠夢澤悠二傷遠目春風嶺
上望齊安太昊城邊攬秋菊那知歲暮東州
客太山蒼寒曉霜白霜收霧遠日月明却上
天衢瞻玉色樊裘疲馬古道場九旬刺史歸
空囊歸去故人應笑我滿清淚說淮陽

沈立道中

霜霧沈遠星芳林語春鳥客時帶餘睡馬力
健清曉凝烟披草際初日動林表心隨和快
興興飛雲香芬菲悵已晚夏陰生桑棗慷慨
一據鞍此懷殊未了

和揚念三自武昌至京師

三年別我客荊州一日長安從我遊愛君詩
有春草句使我神遊黃鶴樓江山望尔欲穿
眼見我驚嗟秋髮短扁舟可辨吾欲東年來
五湖魂夢中

贈蔡彥規

我不見蔡子杜門十日餘今日叩我門滿手
携瓊琚鏗鏘寫我前雜以貝典珠我愕不知
報低頭驚且吁讀畢致于懷餘光溢衿裾坐
令簞瓢室磊牢堆璠璣我拙寡所合甘為不
才樗嗟君何所聞屢枉長者車我來淮南遊
藹：子之譽驂駟走千里凡馬安能逾柰余
不自量痛鞭而疾驅常憂過所任弊憊傷吾
驅願君少待我且欲休吾駒跳奔舍其群子

樂誰與俱俯身接其類是亦仁之徒不然但
困我畏甚將逃遁何如少貸之效技供子娛
我無功名願與世日益踈及慕古沮溺窮年
事耕鋤皇々吾夫子憂世亦勤渠雖然竟何
就孰若安以居人生各有懷未用相賢愚得
樂願即止安能較錙銖又疑異所任勞逸事
亦殊作歌以訊之子意當何如

寄劉聲在海州作

別君幾何時人事浩千萬身如張射侯憂患
劇強箭崎嶇走窮縣艱苦君所見未知水菽
豐已感霜露變羈孤寄窮海親友誰弔唁折
罔補冬裘乞米煮朝飯無聊猶自惡援溺固
誰願人生不終否此語非我分英雄伏泥塗
暫晦久必現如子百不能理自合貧賤豈當
議隱顯而有不遇歎但思竄山林遠脫人世
患有田足耕耘有水足罩汕蕭然便終老到
死百不問平生泥佛祖久已師辟觀况將無
生棹下視有為幻吾子出群材千牛有餘又

行當脫塵埃鳴佩待清燕高卑各有得願勿
訊尺鷃不有行道入誰當佐堯舜時哉勿自
滯功業在力勸握手不可期此計吾行辨

寄陳九

別來常思君無異飢待哺如何偶相逢握手
復告去念初別子時芳草才及屨天時不可
留再見歲云暮出門恠子瘦告我困道路飄
飄千餘里陸走復水沂古來黃金盡壯士色
亦沮斯人獨何少乃有衣食慮才高窮不怨

文字工綵綉可觀不可用章甫冠土偶子能
獨不然譚撲謝雕鏤寧為目前玩功見施設
後知心古所難形兀實難售嗟君聽者寡風
雨但孤雌又思理難常功業亦邂逅豈令匠
石斤常縮袖間手無為扣角歌且進滿尊酌
但非逖可令有所待而偶于將伏黃土氣乃
在牛斗願君久自安蔽抑寧復久

贈江瞻道

我行于四方其所急者友嗚呼得之難百不

一邂逅人心不可齊若十指于手隨其短与
長亦各有所取剛或礪而折柔有弱而仆質
良文不揚中美外莫副寬壺泛以掎狹盡迫
而陋此犹其大槩瑣々難悉究譬如選長材
棄百不一有其間雖得之犹或煩矯操我友
居淮濱飲德悉自如豈期羈旅間乃獲聞馨
欬嗟君如美玉外徹中乃厚埋藏困塵埃要
以不可垢他人十不一子乃得八九餘虧能
幾何不待勉而就乃知昔求艱時以見未久

志大貧若富吾將告君理子聽我其理人生
不終窮否泰亦有數子其保所有雖穎囊必
露古來立功名其始不無忤得雖失自寡進
銳退亦遽念君歸海瀕誰與朝夕聚我方困
而學每冀朋友助一從城北歸夢竟見已屢
願因南來者時以尺書寓

呈徐仲車

朝日照高簷夜霜猶在瓦纖々墻邊柳春色
已可把殘年能幾何奔駛劇湍瀉雖無功名

求衰暮六悲吒出門問徐子兩計決取舍為
當勉自修汲汲不可暇為當飲美酒送老在
杯葷子當指我途我即策其馬但恐懶拙姿
終非服勤者

正月望夜示童子

呼童致明燭展我寤前書願謂尔童子此豈
不足欵得真自忘偽觀一知其餘尔觀千万
燈豈與一燭殊尔豈不欲醉舉杯傾我壺尔
豈不欲飽搆火烹我魚人生貪外物要以樂

其軀吾求曷不足安用勞馳驅

贈敦復

敦復想為詩目見無全牛天工忌其才小邑
使拘囚漫塗以塵埃訟訊群嘲啾尚于紛紜
中逸興時奔道不知誰使之瞽尔為南遊驛
駒解其繫鷹隼脫于韝山川困搜羅風月遭
嘲咻拳手聊探之縱橫爛琳瑯又有同行入
更歎而迭酬天應憫予勞以苦暫使休奈何
少縱之一放不可收歸來見我喜逸氣凌高

秋我窈不自量安將覽其輶心知不可追子
幸為我留君方嚴旗幟我亦戒戈矛將固詰
朝見百敗非予羞

讀戚公怒進卷

世方尚纖柔子獨不可揉人皆喜歎子語
不出口嗔然即之高俗子競嘲詬我嘗要之
難快使暴其有乃知謗之非更覺所得厚由
來難小知此固可大受讀書常辛勤世務飽
經構琅：滿編文一一可推窳俗儒昧事實

但憂奔莫及敢憚喘而走我心子所知護豁
無所固是以行于世徃：得嘲詬人才如其
面不自知好醜立之明鑑前乃見其可否子
于我無嫌告我當苦口我惟于改過竊不敢
自後嗟予迫飢寒子亦仰五斗何當兩有歸
投老作鄰叟

與友人論文因以詩投之

我雖不知文嘗聞于達者文以意為車意以
文為馬理強意乃勝氣盛文如駕理維當即

止妄說即虛假氣如決江河勢盛乃傾瀉文
莫如六經此道亦不舍但于文最高窺不見
隙罅故令後世儒其能及者寡文章古亦衆
其道則一也譬如張衆樂要以歸之雅區
為對偶此格最汙下求之古無有欲學固未
暇君為時俊髦我老安苟且聊獻師所傳無
以吾言野

寄參寥

春風入楚鄉與子別經歲有容過我門携君

尺書至昔我出京師倉皇省家事遂令千里
別不一執君袂又聞子亦行杖屨苦飄駛雖
成相思詩欲寫不可寄飄飄山水夢時与飛
錫值乃能以書來知子猶我記浮雲隨高風
聚散未可計遲君冰雪詩濯我塵埃思

送胡考甫

胡公精悍姿勇氣如秋鷹兵書百萬言揮塵
談如傾羞戴文吏冠慨然喜功名願得丈二
笏為因作長城朝廷士力盛戰馬如雲騰貌

貅飽肉食武庫森神兵此豈不足用麾之若
雷霆如何彼黠虜坐敢邀金繒由来在得將
選擇當至精譬如養驥驥有御乃能行安得
偉丈夫長驅西隅清淮南聽公語乃是衛霍
朋終軍白面兒尚欲請長纓縱橫老將手出
袖盍一呈策馬勿自滯我將觀厥成一奮庸
將驕汎灌出精英立功報天子執節擁旗旌
男兒當封侯寧為老書生

旦起

漫：東牖白開惟絢晨光欠伸推夜枕扣齒
披朝裳瓦盎汲石泉漱濯齒頰涼淮茲孟夏
初宿雨清高堂栖鳥起且啾露鶯鳴更藏悠
悠晚花殷落：古柳蒼西舍初鳴春東隣出
求糧客馬已別握高車欲踰崗義和一陽輝
群動皆擾攘有生無不求誰得偃于牀人生
但如此勤苦亦可傷况我病倦翮飄：信風
翔永懷中林士栖志烟霞鄉願言寄旅跡栖
託以徜徉

庭草

冉：朝雨霽欣：禽哺雛鮮：中庭草佳色
日已敷童子惡其蕃謁我尽掃除我為再三
擷愛之不能鉏人生群動中一氣本不殊奈
何欲自私害彼安其軀况我麋鹿性得此亦
可娛延蔓藩籬間常若田野居亭：濯露曉
偃：披風餘所嗜乃若此我生合樵漁

寄荅參寥五首

一

昔我初見子：時客京師聞名久不獲既得
過所知示我一卷書大小百首詩我嗜不可
輟熊蹯薦朝飢約子彭城游念當行有期中
間忽倉卒決去不子辭子後來高郵我居淮
之涓中間無百里詩句屢交馳客來得子書
云子以南歸投書不能讀恨我聞之遲使我
早知此扁舟尚能追遠別不執手近居不相
携每念：恨者耿：中腸悲子行日已南我
去日已西音書不可頻何以慰我思

二

蘇公守吳興水山方有主子兮從之游掛錫
當可駐塵埃因孤鶴念子久失所秋風展其
翼道使萬里去青雲引高唳爽絕誰敢伍余
駒欲西秣東我江海擗平生二三子往在
南土子才得所樂我拙日益魯拳拳相思心
契濶不得語

三

秦子我所愛詞若秋風清蕭蕭吹毛髮肅
爽我情精工造奧妙寶鉄鏤瑤瓊我雖見之
晚披豁盡平生又聞典蘇公復興子同行更
酬而迭唱鐘磬日撞鳴東吳富山水草木餘
春榮悲余獨契闊不得陪酬賔

四

我生為文章典衆常不偶出其所為詩不笑
即嘲詬少年勇自辨盛氣爭可否年來知所
避不敢出諸口時未免作包以十襲厚低
心讓兒曹默衆人後見君不能已頗亦陳

所有君豈少取之時以佳句授幽絃喜有聽
清唱慰孤奏如何瞥然去使我不得友

五

蕭：江湖客疎瘦若秋竹苦心為詩章日夜
撓心腹清絃無浮声促柱有哀曲滿：幽岩
泉一：清可掬人生于文章初苦力不足及
其成欲售又困瞽者日子從吳興公乃獨獲
所欲得意有知賞幽懷免窮独嗟予失所投
痛學自歲覆子當慰我窮時寄書數幅

夏日雜感四首

一

我前十日至柳葉不蔽日我後十日來芳條
如紺室技間有好鳥鳴和若琴瑟渠：哺其
雖啄我中國實指：筍成竹濯：草過尺心
驚歲已半念此日月疾朝來數葉墮盛夏有
萎色悲哉一陰生長養從此極

二

士而懷其居孔子六云非賢臣事晉侯夜載

使逃齋醜毒比宴安君子不可懷樂小必害
大安近遠之迷野芻養騏驥當念和銜馳一
飽願即止幾何非犬雞高賢意有在汲不
敢遲安能守槽樞長伴兒曹嬉

三

群動入夜息我歸亦安眠脫我身上衣援枕
休晏然朝日常營生不可閑義和戢其
光幸此須臾問人生一世中大小無百年胡
為不自暇長抱勤苦歎才者勇設施誕者夸
死推彼有驅其心欲休諒無緣我本與世疎
少慵老成頑何為不引去政軻行所艱

四

娟：簷前月雖缺自媚好團：理絲虫養身
恃其巧無能老蝙蝠乘夜出堂與那能捕飛
蚊未解聒耳鬧悲歎草間蚓辛苦自鳴噪尔
生可以默何所欲而蹙鳴蛙訴其渴謂若天
可禱瘖蟬死不鳴豈以訴無效悠：群動情
誰得辨醜好我歌豈徒然亦用自警告

和周楚望

宿雨生曉潤繁雲滋暑陰我居廡不靠常苦
積雨侵果墜敵風惡草沉知潦深拳之抱幽
歎耿之嬰煩襟吾子以不來幽居誰見臨飄
然得秀句生我江湖心一官亦漫尔勤苦安
能任何當舍之去拂我塵埃琴飢寒仰五斗
求尺而忘尋悲哉復契闊誰復知吾音

秋日晨興寄楚望

夜雨霽清曉浮雲散涼川幽人理青髮汲彼

石井泉焚香展素帙持珠珮妙言晨暉淡悠
揚秋霞鹿紺天萋花開露餘孤葉零風前感
此芳節晚長嘯心悠然傾觴散滯念殮菊苗
華年牢落歲暮心非君誰與宣

感秋呈宏父兼呈周楚望三首

一

西風吹我舟繫纜岨邊柳蕭蕭落船葉日夕
煩我鬢心驚芳歲晚日月去如走搔吾髮邊
髮少壯寧復久平生拙謀身辛苦為五斗苟

逃飢寒憂不敢擇所受心因摧折低面苦塵埃
埃垢纒二警前勇俊二蹈新操功名委之命
寧足計薄厚獨携古人書千古相獻侑我烹
亦有魚我酌亦有酒非求與俗違聊以安吾
守

二

西風中夜來飛雨隨以至攬衣不能眠起坐
為涕泗炎蒸雖云酷香草猶可佩清商來無
情凋我蘭與蕙呬二草虫悲裊二露蟬嘒高
梁燕如客鍛翻鷹方驚乾坤本無心萬物隨
一氣如何于其間感愴坐自累置之勿復道
得醉但知酒陶然杯杓間蕭洒無餘事

三

浮雲無停陰急雨來清秋颯二水上風吹我
千里舟二年客淮楚乞米充飢喉空堂堆詩
書冷落妻子羞搔舁將何之漫浪為西遊豈
不厭奔走貧賤無良謀人生天地間如萍水
中浮安得必所往南北但隨流達者知其然

委已任去由止若寄渚雁行如浮海撐萬物
本無事百年漫多憂冥懷付造物俯仰余何
求

和登城依子由韻

步登高城望望殊未已惟時歲將窮冬孟
月魄死竹吾方有懷一坐為三起悲歌擊拈
拮声與淚俱至人生隨大鈞命不貸君子付
之無如何外拓資內洗前知賤終吉外頗与
愚似開門張瓊瑤誰者目不寄支離冒多福

婵娟畏獨美舉頭蒼天高歎此青雲士酌公
芳尊酒願公百憂止履善神所勞委置目前
事

西華道中

我行陳許郊千里平若掌居民雜荆榛耕少
地多曠野兔乍跳奔驚鳶或高颺喬林多疾
風寒澗有餘漲棘籬蔽茅屋雞犬入村巷主
人掃土塌林馬具餉朝童兒汲土井敗飯堆
瓦盞勿悲為生陋自足無他望嗟余走薄宦

奔走年將壯長抱羈旅愁何時稅歸鞅

泊南京登岷有作呈子由子中子敏

逸民

客行歲云暮孤舟衝北風出門何蕭條驚沙
吹走蓬北涉濰河水南望宋王臺落葉舞我
前鳴鳥一何哀重城何譴：車馬溢四郭朱
門列大茅高甍鹿飛閣湯：長河水赴海無
還期蒼：拍興松崗原常不移覽物若有歎
誰者知我心口吟新詩章手撫白玉琴鳴琴

感我情一奏涕淚零伯牙久已死何人為我
聽推琴置之去酌我黃金壘幽憂捐華姿流
景良頽易

宿合溜驛

空庭野雀噪客至休我駒盡日衝塵沙解裘
振裳裾熒：青燈光夜永寒堂虛破窻見星
斗明月照廣除構火旋烹煎妻兒具盤盂強
飯一為飽因眠体微舒嗟我山野姿懶拙与
世疎如何強所難妄躡仕進途已習未易舍

欲行倦馳鷗悲哉不早計既晚空嗟吁

至日離許州

先王重至日靜息資微陽閉關絕商旅后為
不省方我獨何為者古寺嚴晨裝酌酒飲僮
僕披裘冒朝霜眷彼道路人熙然樂而康尊
酒送為壽莘衣冒鮮糝懷居固非士遠客亦
可傷悠哉任行止且復傾吾觴

張右史文集卷第十四

張右史文集卷第十五

古詩

東海有大松土人相傳三代時物其
狀偉異詩不能盡因讀徐仲車五花
柳枝之作：此詩以激之

詩翁愛花復愛柳長歌高吟半酣酒自言二
物天下奇愛之不厭形于詩嗟余所愛翁未
見我昔東游窮海甸波濤四絕大島中上有
太古不死之長松千人伴延坐其下仰見翠

業迷蒼宮巨鰲竭力負不起鵬棲僅借早枝
容人言海若此其圍鱗甲百萬屯蛟龍又云
海怪久不死守護山麓蟠其躬天空海濶風
力壯敲憂簸蕩声無窮軒轅張樂奏未已筍
簾百万喧笙鏞鬼神不欲人屢見護以万疊
青山岑愛之未免困寂寞坐見雨露霑蒿蓬
東臯吟翁天下才海岳秀氣天所鍾豈惟文
章繼騷雅胷中業窺夔龍如何坎坷滯茅屋
失所因興茲松同詩翁勿愛花與柳軟弱但
解爭織纒春英零落化為土夏葉狼藉工巢
虫嬌兒姹婦最入眼丈夫所志當英雄何當
與君涉海去結茅松下甘長終

讀蘇子瞻韓幹馬圖

我雖不見韓幹馬一讀公詩如見者韓生画
馬常苦肥肉中藏骨以為奇開元有臣善司
牧四十万匹屯山谷養之罕用食之豐力不
曾施空長肉韓生图像無乃然我謂韓生巧
未全君不見昔時騏驥人未得飢守鹽車唯

有骨昂藏不受塵土侵伯樂未來空佇立
騏驎之食由常曜韓生不寫瘦馬駒誰能為騏
傳之圖不如凡馬飽青芻

再和馬圖

我年十五遊閩西當時唯揀惡馬騎華州城
西鉄驄馬勇士十人不可羈牽來當庭立不
定兩足人立迎風嘶我心壯此寧復畏撫鞍
躡蹠乘以馳長衢大呼人四走腰穩如植身
如飛橋邊爭道挽不止側身逼墮壕中泥懸空

十丈才一擲我手失轡猶攢蹄回頭一約已
在岼但見滿道人嗟咨閩中地平草木短盡
日散漫游忘歸驅馳寧復受鞭策進止自與
人心齊尔來十年我南走北馬嗟：入誰手
楚鄉水國地卑汙人尽乘舡馬如狗我心未
老心已衰夢寐時：猶見之想圖思尽忽有
感况復慷慨吟公詩達人遇境貴不惑世有
尤物常難得寧能使我即無情騷首長歌还
歎息

宿龜山寺下贈旻師

淮流赴海何時窮我生飄泊西復東山中老
僧曰相見驚我非復當時容三年歷遍百憂
患迂就汲々如飛鴻人生易老古所歎如我
安得顏長紅塵埃漫滅日題薜枝葉已拱當
時松我方犇走師已老更念別此何時逢眼
看故曰懷抱好宴坐不覺聽山鐘長淮月高
人語絕唯有塔鈴鳴夜風

寄子由先生

先生四十猶不遇獨坐南都誰與語青衫弟
子天下窮飢走京塵因羈旅高門得飯暫見
肉弊筐無實惟巢鼠樓頭酒貴不敢沽三百
青銅翰杜甫強顏講學昧時宜漫自吟詩愁
肺腑平生不解謁貴人况乃令嚴門者拒此
生自料應常尔但願流年醉中度又思人世
樂乃已此外紛々何足數預期歸日在涼秋
想見西風蕩煩暑區々懷抱莫披豁一尊願

駐東歸槽

再寄

宛丘之別今五年汴上留連才一日賤生飄
泊客東南憂患侵陵心若失先生神兒獨宛
然但覺巖：瘦而實有如霜露入秋山掃除
繁蔚峯峦出自言近讀養生書頗學仙人餌
芝朮披尋圖訣得茯苓云是松間千歲物屑
而為食可不飢功成在久非倉卒上伴金石
免毒裂下比草木為強崛洎：漱納白玉津
鍊以真元納之骨神仙自是人不知豈為難

求廢其術我聞公說心獨嗟欲問太虛窮恍
惚柰何不使被金朱乃伴枯槁思巖窟又觀
世事不可常倚伏誰能定于一終身軒冕亦
何賴况有朝升而暮黜何如端坐養形骸壽
考康寧无夭屈乃知豈即非良圖却笑兒曹
嗜糠粃青衫弟子昔授經賦分羈窮少倫匹
自知無命作公卿頗亦有心窮老佛但思飽
暖願即已妄意功名心實不終期策杖從公
遊更乞靈丸救衰疾

寄楊應之

應之蹉跎三十九猶着青衫困塵垢高才逸
氣老益奇我每事之安敢友逢時則駕子何
患有才未用誰之醜暴得從來失常速徐驅
未用鞭其後掃除万事付之命將拾至樂歸
之酒聞公頗以飯自名我亦抗衡能至斗京
師常恨酒不足貧旅僅得糊其口乃知一飲
尚間閑功垂万古知難偶百年痛飲乃良圖
安用金朱裹枯朽我生自斷計已決君亦我
徒能尔否揚着鼠子事輕肥貶眼小兒夸謹
厚須防仰嚇忌鴟雖更慮致斃逢芻狗獨醒
不若舖其糟群犬猶須避而走遭刑每笑嵇
叔夜得計須師彭澤吏我官古邑洛之陽聞
有山川亦奇秀行當釀秫從子游更以新詩
相獻侑

招潘郎飲

老人夜短睡不足勃公窓外強知時五更未
明語千万更憎林間鶉鷄兒吹紅洗白雨三

日吾園花在己離披一年春事坐如此白首
窮謫歸無期念此徑須沽酒飲買魚烹肉熟
妻兒更呼東隣好酒伴為我醉倒階前泥

郭圃送蕪菁感成長句

蕪菁至南皆變菘：美在上根不食瑤簪玉
筍不可見使我每食思故國西鄰老翁知我
意盈筐走送如雪白蒸烹氣味元不改今晨
一食如南北孔明用蜀最艱窘百計捃拾無
遺策當時此物助軍行渭上褒中有遺植英
雄臨事寃瑣屑終服竒才屈強敵想見躬耕
自灌畦當時有意誰能測

讀守道詩

仁宗之初公有声一世孺者聞之驚日行古
義不顧俗師事孫子傳其經掃堂捧杖供賤
役侍師之坐隨師行有疑問道無敢變當世
始知師與生作為文章不徒發訛切時事排
公卿俗儒毀譽無所出乃取過行為訛評過
于仁義罪固小矯弊自合違中行人皆不及

子獨過之者之罪誰為輕開編偶誦子詩句
詞氣磊落嚴以清吟哦令我不能舍想見眉
宇寒凜嶸高風一泯不可見安得壯士能經
營惜哉朽骨不可作徂徠廢土知誰耕

對雪呈仲車

學堂歲暮無來客殘雪漫漫風獵獵當庭古
柳三四枝老翁携帚收殘葉二年閑散百事
慵飢寒不自勤鉏鋤囊空甌倒誰復救典衣
買酒將空篋人間萬事苦難齊以醉驅愁最

竒捷丈夫未死誰能測幽憂何自同兒妾飲
酣耳熱詩興適直上虛空恣陵躡飢喉凍噤
誰與解正藉醺酣得嚙嚼少年舉白未嘗辭
漸老深杯見还怯何當共有種秫田免向官
壚走書帖

昨者

昨者飛電几破屋頗說四郊妨麥熟十日霖
雨一日晴泥潦漫不容足淒風寒涼肅飢
骨五月更衣初秋服草木傷催亦可憐造物

憑陵竟何欲陰陽錯行成疫癘君子慎疾防
寒燠荒涼窮巷幸無他更勸高眠飽饘粥

己未四月二十二日大雨雹

夜來飛雹驚我眠大者磊落几如拳起聽但
覺屋欲動簷瓦破墜無復全是日晚晴星斗
出鏡靜萬里無雲烟乾坤變化竟誰使造作
說怪須臾間鄰家老翁髮已白云昔見此今
十年木衰火濫氣浮洩激此陰沴成冰堅儒
生臆度知是吾天事誰得窮其源屋頭雖鷓鴣

失其母足傷翅折亦可憐

遊楚州天慶觀高道士琴碁

頽垣蒼々鎖喬木草滿荒庭不容足壞簷破
壁秋雨餘蛛網蕭々風滿屋黃衣道人出迎
客野態生疎脫拘束圍碁靜掃一堂空烹茶
旋煮新泉熟彈琴對客々卧聽悅耳冷々三
回曲離騷幽怨松風悲流水潺湲履霜哭日
斜携手步空廊鳴鳩相呼竹間宿黃昏門閉
人語絕空殿幽々掩微燭我生資身最淡薄

每歎煩歎幸幽獨何當不踏朝市塵長畔高
人種松菊

惜別贈子中昆仲

寒雲崩騰不成雪北風吹窓燈半滅病來廢
飲卧無眠一夜吟詩聲不絕南城三俊生契
闊想對寒爐掉吟舌苗行一日誰有情慰我
與君千里別道長塵土疲馬愁歲晚風霜弊
裘裂人生何用讀書史文字未補囊中闕驅
馳所幸一飽耳仕而謀食愧前哲可能天獨

畜吾曹自應所學為之孽雖然此事余不悔
昔學固知今日拙欲持琬琰易羊皮玩之已
久安能輟萬端畢竟有天命計較何須論瑣
屑勞歌無和坐達明曉鼓琴之墮殘月

又

我年十八從先生今也相逢得三子坐思前
事且十年嗟我不老將俟子中兄弟氣清拔
粲若瑤環與瓊珥逸民駿馬不受羈陵蹠奔
馳動千里先生聲名二十載乃得姻婭皆文

士我今賀子得所遭非我見生誰辨子定交
自恨相知晚漫浪一官非我志論文終日坐
忘歸欲別出門還頓轡我如輟駒幸芻豢豈
不厭安敢避人生謀食亦可悲世上舍閑皆
失計西來有人話吾邑頗說山川慰人意寄
詩莫憚憑驛傳對酒惜哉無子醉到官便掃
琴書室有客過我行當至到官後已許來安
居室
疏泉養菊待子吟更來山芻秣君驥間壽安
官舍多

修竹
流泉

早作

鷓鴣夜寒不得眠永夜相語高樹巔鴉鳴最
早尤喧闐啼呼相應動百千老雞睡起足攣
拳側頭端如聞九天引吭一唱鳴宮懸時哉
不後亦不先朦朧初日見山川吾廬晨起有
炊烟

自南京之陳宿柘城

荒城人稀荆棘老野兔驚跳出寒草蒼々落
日黃雲西驅馬城邊尋古道入門四顧皆桑

田居民三五依道邊暮投佛寺下馬立衝眼
湍屋燃箕烟老僧自言八十餘老矣不能營
所居村僮依竈展敗席上有空梁懸木魚旋
汲新泉濯雙手青燈照客黃昏後群兒爛漫
眠我前新月欲傾光入牖夜敲僧室借酒壺
不惜青錢取次沽酒香入戶推枕起剔燈吹
火燃銅盃大杯一沃不啻滴滴眼婪然睡來
集明朝上馬倒殘壺不怕新霜敗裘濕

送劉季孫守隰州

君家將軍本縫掖叱咤西摧賀蘭石一時成
敗何足論要使英名飛竹帛到君竒骨尚虎
頭白須千騎守邊州揜架萬籤供記覽探囊
五字擅風流大河之東士精勇日飲不妨飛
獵鞞五更吹角建牙旗万馬合圍行酒甕朝
裘風勁黑貂暖夜帳雪滿青毡重樂哉閉口
莫言兵雖有頗牧誰能用

北原

秋風日夜吹北原秋蕪不復繁紫行一迳漸

可躡步踏落葉披榛覓蕭：九月草木變獨
有修竹猶禁寒青紅野實不可辨晚日照射
霜抽殷喚：女兒更清瘦崖壁刻削無雲烟
潦收石出洛水好靜夜側耳声潺：原西古
城有微路禾黍索：荒涼田人家歲熟婦子
樂村巷日暖牛羊閑登臨嗟我幸無事况有
美酒供開顏射麋獵兔可卒歲棄擲万累休
嗟嘆

感春

若：堂北桃昨日花猶小暖風遲景一日功
万萼千葩爛相照東風樣：吹朝雨朝日滿
簷春鳥語櫻桃得暖花意忙接萼連枝開先
吐蘭芽出地長可握小笋如簪堪荐筋欣：
萬木誰使然時來不肯居塵土盛衰相感但
如此鏡中安得朱顏駐古來百計無可奈惟
有飲者謀猶廢乃知甚急莫如酒有衣可典
猶為富我今不樂欲何待薄俸自給供朝暮
功名有命不可求白髮無私誰得拒從今酪

酌勿復辭棄置人間千萬慮

寄陳器之

昨者見君才頃刻滿馬塵埃面薰黑自言別
家春欲闌歸意如飛留不得玉鞭揮折手成
眠一日到家馳西驛今朝得書一何喜酌酒
烹雞稅征輓自言山城無興樂生看飛花良
可惜手携婦子口吟詩文字揮毫便千百醉
歌昌谷和我吟錦囊旧句無顏色憐君潦倒
誰復省場屋十年名烜赫嗟我春來亦何事

飽食高眠度朝夕簾前相對但有山坐上清
譚更無客逼眼花光羅綺眩照人酒色瓊瑤
白風光似此寧可忍酌酌高歌卧花側平生
結友事遨遊未省連年守山僻強歡獨飲豈
所樂舍此無謀慰愁寂思君一笑何可得王
事有程身有役堂南柳條爭着葉繁李夭桃
落如積請看春物能有幾坐見清和變炎赫
須期載酒對東風及此殘花尚堪摘

讀李愷碑

自唐中微北方沸胡馬長鳴飲清渭李公守
節陷賊庭身死鬪骸行萬里橙及羅奕並傳首百年
事往誰復省一丘榛莽無人祭荒碑半折就
磨滅後人空解傳其字投身不畏真丈夫自
古時危知烈士俗書小技何足道嗟我但欲
揚其事寥：獲麟數千載未學褒貶多非是
高文大筆誰復作絀臣餓夫湏有待紛：後
世競著述紙墨徒為史官費却嗟何独此事
然搔首碑前空嘆慨

和陳器之四詩

朝應天

應天寺有五聖御容官于洛者至則首謁

唐哀五季更披猖社稷反手看興亡山河分
裂流戰血積骨被野豨豺狼中原正朔不出
境九州豪傑爭侯王生民禍難寬痛極腥穢
上達于宮蒼真人龍飛萬物覩天命自至誰
能當靈旗指揮四海一氛殺殄滅和風翔降
王賜第奉謁朝九服效職爭梯航百年積累
到今日運祚方興乾坤長佛宮原廟廣孝敬

嚴致守衛懃蒸嘗陰：祕寢鎖遺像轟：盡
戟羅蕭墻衣冠具列虛仗儼龍駕不及遺弓
箴子孫億載千万世永與清洛流湯：

過韓城

周京無人弔禾黍七雄按劍分周土秦人匹
馬出函關六王割地愁為虜宜陽古堞故韓
都城接強秦爭戰苦謀窮運去竟亡國從長
蘇秦亦何補諸侯已書秦魏：嬴氏已亡秦
不知始皇自是呂家子宗廟荐享真何為山
河百戰移陵谷宮殿成塵埋室玉秋風環塚
長荆榛落日空城散樵牧今古悠：共一立
爭強蝸角欲何求誰似令威仙骨健千年重
向故鄉游

弔連昌

唐日西顏半明滅長琴掃天流戰血六龍不
復入東都唐自安史後至昭宗東遷終不復幸連昌已有狐狸
穴宮前菲：洛陽路漢甲胡兵几迴度火焚
馬蹙百戰場盡是旧時歌舞處遊魂不歸宮

樹老茂陵金玉人間室春耕迤邐上空山夜
燐青熒照秋草女几峴々青挿天東流洛水
自潺湲吳亡一覺紫華夢只有山川似旧年

鹿仙山

真人朝天去不逮千年鹿跡苗室山々寐
冥何所有野殿荒涼松捨寒桑田海水移今
古吳亡萬變誰能數五雲深处駕飛龍應笑
人間換朝暮神仙不與世人期騎鹿安知不
復歸朝嵐夕靄山秀潤應有灵丹相護持長

生可求仙可致浮世腥膻何足嗜君不見漢
時九江梅子真一日辭家隱吳市

長安仲春

長安仲春七日風蒼茫頓撼天地同應門鏢
闕岌欲動况我窮巷連蒿蓬暮寒卷雪連草
艸平門萬屋青成縞無言桃李終黙々得勢
泥塗常浩浩夕暉入屋人氣活勞苦義和問
何闕斗杓東指令未行要使炊龍聊潑刺

又

長安花繁仲春月北風倒山雨成雪窮巷下
里袴襦尽老翁稚兒肯欲折吾人諳事不復
驚以手扣額願天晴夕陽才升已復晦積雲
如山那肯退

贈吳孟求承議

我生仕宦求糊口敢憚水浮無陸走趨來京
口見花落歸去西風未吹柳山尋北固初知
路水飲中公未盈世徒勞結束解書劍未覺
塵埃生戶牖瓜州澄江曉如鏡照水自覺秋

容瘦因公忽致口酒壺恍如夢覺南柯守

又

我非初平叱羊口江中浪作群羊走金山五
日厭僧粥揮榜瓜州纜古柳晨興但怪妻孥
喜故人致饋羅盤乍起傾殘榼得餘瀝洗醜
自酌開蓬牖風雲慘淡秋已嚴桑榆搖落山
初瘦軍厨醇味尚煩公應記踈慵窮太守

秋蔬

荒園秋露瘦韭葉色茂春菘甘勝蕨人言佛

見為下筋

俗言開口月

芼炙烹羹更滋滑其餘

鎖屑皆可口燕菁脆肥薑蔥辣藏鞭雖荀纖

玉露映葉乳茄濃黛抹已殘枸杞只留柝晚

種蒿菘初生甲南來食魚忘肉味久思吾土

牛羊茁軟炊一飽老有味痛飲百壺今不說

蒲團齋罷欠申時自覺少年心解脫

瓜洲謝李德載寄蜂兒木瓜筆

瓜洲蕭索秋江渚西風江岫殘紅舞津亭永

夜守青燈客睡朦朧聽江雨青罇曉酌遣懷

抱但恨鬱鬱將誰語敲門忽得故人書洗手

開緘見眉宇蜂兒肥膩愈風痺木瓜甘酸輕

病股銛鋒皓管見還愧老去筆硯生塵土北

歸飄泊亦何事篙工已束橫江槽天寒應客

太昊墟當遣何人具雞黍

贈晁二

走筆約元咎同赴大尹龍圖四文羔酒之集

昔者與兄城南鄰未省一日不相親誰令儂

舍得契闊此事我每愧古人逾白寒熱不可

說遍休載生赤鱗是身非有病亦勿調御

未伏猶酸辛布衾蒙頭但欲睡瞥見簷雪如
飛塵豈無杯杓典酬酢口舌未肯親芳醅平
生相逢百不問斗酒倒盡才逡巡崎嶇行世
得皆妄鬼我就醉事最真殘年崢嶸欲無日
晴雲浩蕩已有春柳黃梅破最佳絕京兆羔
酒仍慙懃

和定州端明雪浪齋

中山士馬如雲屯號令唯覺將軍尊熊旂犀
甲羅左右金鉦鳴鼓譟朝昏少年畎畝老為

將誰能復記躬耕村東坡先生事業異道岐
不得安修門眼前富貴念不起唯有山林勞
夢魂揉中竒石安至此坐蒙湔洗見本根犇
流驟浪勢万里至畫乃掃筆墨痕黃牛三峽
回細事赤墀長江何足論能令萬古挾彘怪
么麼入此玻璃盆扁舟獨往則不可平生致
君言具存

至日有感

前年至日在何處寒事蕭蕭客許昌乞火夜

溫行客酒披裘曉冒五更霜暮投陽翟荒涼
駟正見人家燈火光飢馬卧嘶毛瑟縮羸重
曉對色蒼茫二年旅官孤村僻東望歸心洛
水長佳節幾遙長索寞我生何事苦淒涼更
無賓客青山滿只有風霜老樹蒼昭代寧須
厭留滯馮公白首任為郎

寄余五十五

憶昨戊午寄東都人事紛々相見疎補官洛
陽我西走兄理舟揖歸江湖往來相失頃刻

尔坐使一別三年餘他鄉滿眼非故旧南北
耿々無音書福昌古邦廢已久莽々榛棘藏
麇鼯空宮蕭條唐旧路古堞斷續韓遺墟商
頑餘民俗未泯習尚克獲羞為儒高堂塵埃
坐無客雖復強接非惟愉嗟兄尚復記憶我
兩得書札何勤渠最後新詩意不淺知子過
我山陽居人間翩々輕薄子交友暫尔久則
渝惟折憂患心不易我視一世無君如念昔
登科各年少子中第一名傳呼春風朝游踏

廣陌夜雨縱飲傾金壺當時意氣今在否十
年我困官庭趨君宜騰踏上寥廓何乃失足
遭崎嶇人生難必但如此付委造物隨所驅
得之幾何失未損七尺可貴唯吾軀洛川春
風來已久桃李次第爭芬敷登臨想子不可
見夢逐流水游東吳
美酒烹有魚何當相逢兩披豁擺落萬累無
嗟吁

未寒熱伏枕已數日忽聞車騎明當

接頓睡中得韻語數句上呈四文龍
圖兼記至日之飲

山羊卷酥如切玉剪毛胡羊花作肉燭前醉
客淋漓時山泉更煮如珠粟深泥三尺歸不
記日到冰前初睡足尔來七日戰寒熱朝飯
齋糜不盈掬客來但辨君且去卧聽消雪
消屋因山事巖京兆出十驛人如在目馳
裘便面行野時晴郊已動陳根綠

應之風骨世絕倫
濯芳柳當青春瓊瑤水
雪照一坐我恐子是
仙人十年聲名望不
見一日邂逅情相親
安仁白璧絕瑕玷宗之
玉樹無埃塵襟清旨
明遇事敏西河曰政
傳諸民縣門高開吏
束手訟至立決如有
神別君還家恍若失
咫尺莫見徒為隣會
期殘春再攜手滿引
大醕無辭頻

聽客話澶淵事

憶昔胡來動河朔
渡河飲馬吹胡角
澶淵城

下水載車邊風蕭
千里餘城上黃旗
坐真主夜遣六丁
張猛弩雷驚電發
一矢飛橫射胡酋
貫車柱犬羊無蹤
大漢空歸來封禪
告成功自是乾坤
扶聖主可能功業
尽萊公

和晁應之憫農

南風吹麥穗好
飢兒道上扶其老
皇天雨露自有時
尔恨秋成常不早
南山壯兒市兵
弩百金裝劍黃金
縷夜為盜賊朝受
刑甘心不悔知何
數為盜搽戈足衣
食力田竟歲猶

無護飢寒刑戮死則同
攘奪猶能緩朝夕
老農悲嗟淚沾臆
幾見良田有荆棘
壯夫為盜羸老耕
市人珠玉田家得
吏兵搥戈恐不銳
由來殺人傷正氣
人間萬事莽悠悠
我欲此詩聞者愁

止酒贈郡守楊瓌寶

止酒正似塞決河
厚積薪芻傳沙磔
堅牢不使見蟻漏
一線才通便奔激
莫輕弱箭不穿綳
轉眼已驚牛弩射
我今止酒用此法
目前

逾日無涓滴情鍾我
草當痛制慧通則
流那可測懲美端
是合吹壘用玉無
疑初諫漆脾乾胃
燥生未省黃姥無
聊然岑寂不憂群
飲惱姬翁但畏獨
醒嘲楚客茫然自
憫還自笑一身心
口相仇敵何妨二
豎即奔忙不廢三
嬰更滋泮平生杯
杓不挂眼一飲便
須論石斗位心伏
老慎勿癡此身何
啻千金直

送畢公叔奉詔赴陝西

畢子談鋒不可摧
捷若急電飛霆雷
老儒宿

學不敢較左右戈戟縱橫排文如翻河注浩
渺學有要會窮根菱眼看青雲不着脚決去
得邑窮山隈漢家封疆際四海環賁萬里聯
翩來西河故地獨何事禮樂日俗遭狼豺包
歲隱忍非一日數子未可寧心懷英雄天子
命世主撫劍震怒風雷迴馬如屯雲士如虎
萬車載甲如崔嵬豈惟俘斬復境土誓剖巢
穴窮鷁胎除書命子參漕府國有大事須群
才男兒功業在勤苦莫惜沙塞衝塵埃禦戎
曰策子可惜胷臆請為將軍開封侯報國在
今日贈行滿舉黃金杯



卷之三